

آبونه شرائطی

ممالک عثمانیه ده سنه لیک (۶۵)، الق
آبونو (۳۵۱) غروشدور .

ممالک اخصیه ده سنه لیک (۱۷)، الق
آبونی (۹) فرانقادر .

اداره خانه

باب عالی جاده ستده دائره مخصوصه

اضطرابات

آبونه بدلی پشندور .

§

مسلكه . وفاق آثار مع الممنونیه قبول
اولنور . درج ایدله بن یازیلر احاده
اولونماز .

الکلیت

۱۳۳۰ (۱۳۳۰) ۱۳۳۰

اضطرابات

رساله مزمن آلمدیغی کو-تولک شرطیله
یتون یازیلر هر هانکی برهزته طرفدان
اقتباس اولونه بیلیر .

§

مکتوبلرک، امضالرک واضح و اوقوناقلی
اولمسی و آبونه صره نومردن محتری
بولونمسی لازمدر .

§

ممالک اخصیه ایچون آبونه اولازلر
درسلیرشک فرانسرجه ده یارلمسی و ما
اولنور .

§

پاره کوندرلدیکی، ان نه یته د ثراول یغسک
واضعا بیلدیلمسی دجا اولنور .

محمد عا کف بکه

سبیل الرشادك صوك نسخه سنده هیئت تحریریه كزیدن جودت افندیك وفانی ومعلم اسماعیل حق بك طرفندن مرحومك قیمت علمیه سی حقنده یازیلان مکتوبی اوقودم . مرحوم ایله لابوراتوارمده برایکی دفعه کوروشمش واختصاص کسب ایتك آرزوسنده بولندینی فنده کی اقتدارینی بالعمل کورمش اولدینمدهن بویه برکنجك آره مزدن بردنبره افولی بنده کزی بك متأثر ایتدی . جناب حق مرحومی غریق رحمت ایلسین .

هنوزتحصیل عالی بی ا کمال ایله اوغراشان چالیشان جودت آوروپادن کلدیکمی بر رفیقمدن اوکره نیر اوکریمز لابوراتواریمی زیارتله بنله کوروشمك وعلم حیوانات وبالخاصه پارازیتولوژی به عائد قولکسیون وکتابلریمی کورمك ایچون رفاقتكزده اوله رق بر اقشام حلقه لی زراعت مکتبه ککش ایدی . بونی البته تخطر بیوریرسکز .

حشراتدن ذوالجناحین صنفه دائر مباحثه براز درینلشنجه قارشومده کی کنجی تقدیر ایتمک باشلادم . آوروپا به کیتمه دن ، اورانك لابوراتوارلرنده چالشمدهن حشراتدن بوقدر واقفانه بحث ایتك ؛ مضر سینکلك اسملرینی تعیننه منحصر اوصافك صورت تطبیقی بیلمك ؛ بوفله اشتغال ایدن آوروپا عالمی ایله مناسبانده بولمق ؛ نهایت اوطوردینی اولك اوراق حوضنده سیوری سینکلك یوزده قاج نسبتنده کی طوزلی صوده نشو ونمایه مقتدر اولدقلری حقنده تجربه لر یایمق ... طوغروسی بونلر بنده بیوک برحیرت اویندیردی .

مکتبایمزه اکثری افندیلر معلمك ویردیکی نوطه لرله اکتفا وصنف کچمك ایچون لازم کلن معلوماتی جمع ایله مشغول اولدقلری حالده بوقاعده دن کنندیسی مستمابقیه بیلمش برکنج ایله کوروشدیکمدن دولایی بك ممنون اولمشم .

حشرات ، پارازیتولوژی ... الخ کبی فنونده نظریات و عملیات ایله برابر رسم یایمق الك بیوک برخصلتدر . جودتك بکا هدیه ایتدیکی اوج جنس Anopheles رسمی بوکون لابوراتواریمی تزین ایدن رسملردندر .

بکلرکی جوارنده کی Culex و Anopheles لرك کافه سنی قولکسیونو یایمغه موفق اولان بوکنج حلقه لیده کی موقت مسافرتی اناسنده ده راحت اوطورمایه رق مکتبک حوضلرنده بو حشراتك قورد ویمورطه لرینی آرایوب قولکسیون یایمغی اونومه دی . هیچ اونوتام : نباتات باغچه سنده بر Tuya اوزرنده تصادفاً یقالدیغمز Asilus ك جنسی تعینده کوستردیکی لیاقت بی حیران ایتدی .

ملت ، مملکت بویه خدایی نابت یتشمکده اولان برکنجی غائب ایتدیکندن دولایی جداً بد بختدر . اگر بویه برکنج آوروپاده مرحومك کوستردیکی لیاقتک یاریسی کوسترسه درحال حکومت کندیسنه معاش ویردرک تحصیله یاردم ایدر ؛ لابوراتوارلرده کی معلملرده اللرندن کلن هر درلوتسهیلاتی کوسترمکدن کری قالمزلردی .. هیات ، شوراسنی ده

مع الاسف ذکر ایتلی بکه کمتکتمزك لابوراتوارلری بعض واهی عذرلر سردیله مرحومه قبالی بولندیلمقه ایدی . حتی بودفعه آوروپا به عزیمتمده کندی لابوراتواریمی بك ایستدیکم حالده جوجوغه امانت ایتیه موفق اوله مامشدم .

مع مافیه بوکبی موانعه رغماً جودتك سعینده صارصیلماز بر صلابتله دوامی کنیدیسی طانیق شرفنه نائل اولنلر عنندنه رتبه سنی بوکسایتمکده در . بك وقتسز ضیاعی ایسه ؛ هیمزی تعریفی ناقابل بر درجه ده مایوس ایتمکده در . جناب حق عائنه کدر دیده سنه و آرقداشلرینه صبر جیل احسان بیورسون . حلقه لی زراعت مکتب عالیسی فن حشرات معلمی

محمد ثریا

حیات اقوام اسلامیه

چینده اسلامیت

— ۶ —

یوقاروده بربرده ، چین مؤلفلرندن بریسنك سوزلرندن ، مسلمانلغك چین علما ورجال دولتك دخی انظار استحسانی جلبه موفق اولدینی اوکرتمشك . بزجه ، مسلمانلر مواقع عالییه بیله اشغال ایدیورلر ، اقادهمی اعضاقلری ایله ، ملکی وعسکری مناصب ممتازیه تعیین اولنیورلر ، دیمك ده مناسب اولوردی . بونکله برابر مسلمانلغك طبقه عوام اوزرنده ده زیاده نفوذی واردر . بوده مسلمانلرك اهالی ایله بك دوستانه مناسباتده بولملری ویرلی قادینلری ایله ازدواج ایله ملرندن ایلرو ککش اولسه کرکدر . اساساً نظر امان ایله باقیه حق اولورسه شمدی به قدر ادیان مختلفه دن هیچ برینك ، پروباغاندا سنده اسلاملق قدر موفق اوله مدینی کورولور . بوده دین مذکورك وظیفه سنی انظار اجنبیه بی اوزرینه جلب ایتیه جك صورتده ایفایه چالشمسندن متولدر . چینده مسلمانلغی تلقین وتلقیح ایدنلر اصلاً چینلیدرلر . بناءً علیه اونلر ، کوزه باتمازلر . ایفای وظیفه ایدیه جك موقع وزمانی ، ادیان سائره منسوبیتندن ده ایی تقدیر ایدرلر . وطنداشلرینك احوال روحیه سنه واقف ، اونلرك تربیه سنه صاحب ، عینی لسانه مالکدرلر . هیچ بر صورتله قتولیک میسیونرلری کبی ، معروض استهزا اولمازلر .

مسلمانلغی هیچ بر زمان حکومته شو ویا بو ایچون مراجعت ایتمه مشدر . اوبالعکس وقت وقت حکومت طرفندن بیله اونوتلغی موافق منفعت کورور . هر طرفده مناره لر مساکن خصوصیه دن یوکسک یاپلیدی حالده ، چینده بالعکس اولر آره سنده غائب اوله جق بر ارتقاعده در . بوراده کی مسلمانلر قیافت اصلیه ومیلهری ترك ایتزلر . ینه صاچلری اوزون ، باشلری سربوش ملیلری ایله مستوردر .

چین مسلمانلرینك ادعایینه اینانغی جائز ایسه ، مسلمانلغی ایله

چینلیلرک عاداتی عنعناتی و قونفوسیوس دینک اوامری آره سنده بیوک فرقلر یوقدر . « قونفوسیوس » مذهبک انسانلرک عاداتنه صادق قالمیری خصوصنده کی امرلری ، مسلمانلر بعض شروط ایله تصدیق ایدرلر . بوشرطلرده طموزاتی بیهمک ، شراب و سیغاره ایچمه مک ، قار اوینامه مق وزنا ایتمه مکدرکه ، جمله سنک نه درجه موافق صحت و اخلاق اولدینی آشکاردر . بوسورتله مسلمانلر باجمله بی طرف چین علما و اطباسنک انظار تقدیر و محبتی قازانمشلردر .

چین مسلمانی مملکتک باجمله عادات و اعتقاداتنه صادقدر . « قونفو-سیوس » عبادتخانه لری زیارت ایدر . مراسم ملیه نک کافه سنه اشتراک ایدر . بر خرسیتیان ایچون کوجه کیدن دیز چو مک عاداتی ترک ایتیز .

مسلمانلق ، مادی و معنوی نفوذندن ، ثروت و تجارتندن بشقه ، طبقه عوامی جلب ایده جک و سائط سائره به دخی مالکدر . مثلاً زکات و یرمک . هر مسلمانک ثروت شخصیه سندن معین بر مقدار پاره نک زکات نامی ایله فقرایه توزیع ایله مسی خصوصنده کی نظام دینی ، عددری ملیونلری کچن چین فقراسی اوزرنده حیرت افزا تأثیرلر اجرا ایتمکدهدر . مسلمانلرک توسعنه یاریم ایدن اسبابدن بری ده چینده بر جماعت اسلامیه نک موجود اولمیسدر . المزده بولنان بر بیاننامه ده شو سوزلر کورولبور :

« ... جناب پیغمبرک چینه کوندردیکی مأمور ، مسلمانلرک وظائف دینی و خصوصات ذاتیه لری تنظیم و اداره ایلک اوزره بر هیئت تشکیل ایله مشدر . امام ، کاتب و مؤذندن متشکل اولان بو قومیسون قوانین دینی نک اهالی اسلامیه طرفندن تمامی تطبیقنه نظارت . قوانین مذکوریه دین مبینی یکی قبول ایدنلره تعلیم ایتمکله موظفدر . خلاف قانون و نظام حرکاته تصدی ایدن مسلمانلر هیئت مذکوره طرفندن مجازات ایدیلور . شاید هیئت مذکوره اعضاسندن بری یاخود هر اوچی طرفندن یولسز و حقسز بر معامله صادر اولورسه ، او هیئت جماعت اسلامیه نک الکمنن افرادی طرفندن عزل و یرینه دیگر بر هیئت اقامه اولنور ... » عینی بیاننامه نک بشقه بر یرنده : « جمیتک تعیین ایتدیکي مجازاتی عدم ایفا و قبولده تعند ایدنلر محاکم نظامیه به تودیع اولنور . « دینیلور . بناءً علیه بزجه مسلمانلر عزم وجدتی معلوم ، یوقاریکی ماده نظامیه ایله حکومت طرفندن مظهر مظاهرت اولدینی ثابت ، رجال حکومت آره سنده یک چوق مسلمان بولندینی آشکار ایکن ، مذکور دینک غایه امله وصول ایچون هر فرصتدن استفاده ایده جکنه اینانق ایجاب ایدر .

بز ادعا ایدرز که عصر حاضرده چین مسلمانلرنده کورولن عطالت و سکونت الزامی و ایجه دوشونولش بمض محاکمات سیاسیه مستنددر . چینک جلوه کاه اولدینی بر وقعه ادعای تأیید ایدر .

دها یوقارولرده ذکر کی کچن صوک مسلمان اختلالنک ترکستان ایله « صونغارای » دن باشلادیغی کورمشدک . بورالری اون سکرنجی

عصرک ایکنجی قسمنده ضبط ایدن چین حکومتی « صونغارای » اهالیسنی محو و پریشان ایلکدن صکره بر اختلال جدیدک ظهورینه مانع اولق امله محل مذکوره مانچو و تانارلردن مرکب قوای عسکریه سوق ایله مشدی . مع هذا حکومت مرکزیه هر نه دنسه بوقوتی کافی کورمیه رک حوالی غریبه نک اقسام مختلفه سنه یکرمی بیك کشیکل بر قوت ده تقسیم ایله مشدی . چین مسلمانلری عسکرلکه قارشى بیوک بر محبت بسارلر ، حکومتده بونلرک شجاعت و متانتندن عظیم استفاده لر کورور . حوالی غریبه به سوق اولنان اردولرده دخی بر چوق مسلمان افراد وضابط وار ایدی . بونلر دینداشلری علیه استعمال سلاح ایله مدکدن ماعدا عصیانک انتشارینی تسهیل ایدیلر . اختلال مذکورده مسلمانلرک یک وحشیانه حرکاتده بولندقلرینه دائر مأمورین سیاسیه طرفندن واقع اولان اخباراتی خلاف حقیقتدر . بالعکس مسلمانلر کویلی و تجارتلرک محبت و اعتمادینی جلب ایده جک یولده حرکت ایتدیلر . بونلر بالکیز مانچولره قارشى شدتلی داورانیدیلر . « صونغارای » ک اهالی سائره سی ، « صولون » و « سی یو » مسلمانلرک قوت و قدرتلری بالتقدیر اونلرک تابعیتی قبول ایدیلر .

مع هذا مسلمانلر بونکله اکتفا ایتیه رک ، اونلره مسلمانلرک قبولی ده تکلیف ایتدیلر . هر ایکی قوم حیاتلری قورتارمق ایچون تکلیف جدیدی ده قبوله مجبور قالدیلر .

عجبا مسلمانلق چینده کنیدیسی ایچون بر موقع متین و نفوذ سیاسی تأمین ایلکدن صکره اهالی سائره به قارشى عینی تکلیفات ایله میدان اوکورسه مقاومت کورورمی ، کورمزمی ؟ بزجه چینلیلر ایچون تبدیل دین و مذهب ایتک ، تبدیل جامه ایله مکدن دها قولاید . حقیقه چینلیلر ، حکومت حاضره طرفندن قبوله قانوناً اجبار ایدلرک بر طرز تلبسی ، سنلردن بری الآن قبول ایده مدکری حلاله ، تکلیف اولنان شی یکی بر دین اولسه ایدی شمدی به قدر بتون چین طرفندن مظهر قبول اولمشدی . غربک ادیان قارشى کوستردیکی فکر تعصب و صداقتی ، شرقة بولق محالدر . شرقلی قلب ایله یشامیور ، اندیشه حیات ایله یشایور . نه بودا ، نه قونفوسیوس ، نه ده طا او یسموس ، هیچ بری منسوبینی طرفندن بیوک برصمیمیت و مربوطیت کورمیور . شمدیلک طسالعک ک چوق مظهر حمایه و معاونتی اولان یکانه دین دین اسلامدر . دین مذکور شمدی به قدر ، هیچ بوجه و صورتله ، موقع و اهمیتدن بر شی غائب ایتمه مشدر . حتی کرک حکومت و کرک ادیان سائره واعظ و منسوبلری طرفندن مسلمانلق علیه اجرا ایدیان تعقیبات و پروپاگاندا لر دین مذکورک لهنه تأثیر اجرا ایتشد . خلاصه مسلمانلق چینده یک قوتلیدر . و او قوتی قیره جق - پارچالایه جق بشقه بر قوت شمدیلک موجود دکدر .

مترجمی

مباهات

ختم